



# Meeqqat isumannaatsumik chatternissaannut nutaamik kiffartuussiviliortoqartoq

oktobarip 02-at 2018 · 06:53 uannga: [Merete Lindstrøm](#) · Nutserisoq: [Kathrine Kruse](#)

Suliniaqatigiiffik Meeqqat Ikiortigit ataasinngormat suliniummik nutaamik aallartitsivoq. Suliniummi nutaami meeqqat inuusuttuaqqallu, taakkualu angajoqqaavi ilinniartitsisuilu, internet-ikkut attaveqaatini nuanniitsunik aqqusaagaqarnissaat pinaveersaartinneqarpoq. Suliniut nutaaq taaguuteqartinneqarpoq Chat Paaralugu.

Interneti, mobiltelefonit tabletsillu ullutsinni atorveqaraluttuinnarput. Attaveqaatit tamanit atorveqarsinnaasut atorlugit akunnitsinni attaveqarsinnaanerput ajornarunnaariartuinnarpoq. Tamannali aamma ajornartorsiutitaqarpoq, ulluinnarni atuinerni eqqumaffigineqartariaqartunik, taama Kalaallit Nunaanni Meeqqat Ikiortigit oqariartuuteqarpoq.



- MIO-mit misissorneqarsimasut naapertorlugit, meeqqat inuusuttullu internetikkut qingasaarisarnerat allatullu nuanniitsuliortarnerat misigineqartarput, taamatullu iliortut ilaasa oqaatsit periutsillu atorsimasatik peqqissimissutigisarpaat, nunatsinni Meeqqat Ikiortigit-mi siulersuisuini siulittaasoq, Jonna Ketwa, oqaluttuarpoq.

## AAMMA ATUARUK [19-inik ukiulik Henriup panianut Facebookikkut allattoq](#)

Taamaattumik suliniaqatigiiffiup Meeqqat Ikiortigit Kalaallit Nunanni Pinerlutsaaliuinermit Siunnersuisarfik PiSiu peqatigalugu meeqqanut, inuusuttunut, angajoqqaanut, ilinniartitsisunullu nittartagaliorsimavoq, siunnerfigalugu internetikkut attaveqartarnerup toqqissisisimanarnerusumik isumannaannerusumillu atorveqarsinnaanissaa.

Chat Paaralugumi meeqqat inuusuttullu siunnersorneqarput qanoq iliorlutik internetimik atuinermi toqqissisisimanartumik atuisinnaasut. Aamma ilitsersuunneqarput qanoq iliorsinnaasut arlaatigut internetikkut qingasaarneqarunik imaluunniit kissaatiginngisaminnik assitik allatulluunniit takutikkusunngisatik siammarterneqarsimappata.

Tamatumalu saniatugt angajoqqaanut paasissutissanik atuagassaqarpoq, taakku meeqqamik internetimik atuinerannut atatillugu paasinninnerulersinnaanissaat angujumallugu, ilaatigullu ilisaritinneqarput nassuiarneqarlutillu quppererit nittartakkallu nalinginnaanerpaat inuusuttunit ullumikkut atorneqartartut.

### **AAMMA ATUARUK** [Meeqqanik internettikkut usassaarisartut Nunatsinni takornartaanngitsut](#)

- Anguniarneqartoq tassaavoq angajoqqaat meeqqami pitsaanerpaamik internetimik atuininissaannik tapersersuillutillu ikiuisinnaanissaat, uparuartuinertaqanngitsumik, meeqqalli silarsuaannik paasinninerulernikkut, Jonna Ketwa oqaluttuarpoq.

Aamma ilaapput ilinniusiat ilinniartitsisunut allatullu meeqqanik sullissisisartunut atugassiat. Taakkunani internetikkut ajornartorsiutit atuartullu akornannni aporaassutaasinnaasut assersuutit atorlugit qanoq iliorluni aaqqinniarneqarsinnaasut oqaluttuarineqarpoq.

Chat Paaralugu [redbarnet.gl](http://redbarnet.gl)-ikkut takuneqarsinnaavoq.

### **AAMMA ATUARUK** [Facebook meeqqat chatterutissaannik saqqummersitsisoq](#)



**Nutaarsiassanik pisartagaqarneq** - KNR-imit emailikkut nutaarsiassat

Ullaakkut nutaarsiassat

Ualikkut nutaarsiassat

Breaking news

Email adressit

Postnormu

ILANNGUSSIGIT